

四庫全書

集部

欽定四庫全書

御定歷代題畫詩類卷七十四目錄

樹石類

子瞻畫枯木

宋孔武仲

題過所畫枯木竹石

宋蘇軾三首

子瞻與李公麟宣德共畫翠石古木老僧謂之憩

寂圖題其後

宋蘇轍

西軒畫枯木怪石

宋蘇轍

和謝公定觀祕閣文與可枯木

宋陳師道

題子瞻枯木

宋黃庭堅

子瞻寺壁作小山枯木

宋黃庭堅

求郭侍禁水墨樹石

宋黃庶

題莫壽朋內翰之所藏東坡所畫枯木

宋孫覿

同趙伯充觀東坡畫枯木

宋僧道潛二首

西湖酒家壁畫枯木

元宋无

題楊友直檢校所藏李營丘枯木圖

元虞集

題高彥敬樹石圖 元趙孟頫

枯木圖 元貢性之二首

題李成枯木 元張天英

李士弘枯木風竹圖 元劉因

墨石枯木 元傅若金

題趙承旨枯木竹石圖 元馬祖常

子昂枯木竹石圖 元袁桷

題李遵道枯木竹石圖 元李孝光

趙汝甫枯木竹石卷

元李孝光

題李息齋枯木竹石圖

元丁復

宣和畫本石

元黃潛

題趙文敏公木石有先師題於上

元張翥

題棘石圖

元王翰

李遵道枯木竹石圖

元黃鎮成

倪元鎮古木竹石

元鄭元祐

趙集賢枯木竹石

元張憲

枯木竹石 元貢性之

枯木竹石 元丁鶴年

為吳處士畫喬林礪石 元倪瓚

題倪雲林枯木竹石小景 元陶宗儀

題枯木竹石 明劉崧三首

枯樹圖歌 明劉基

吳仲圭枯木竹石 明高啟

題枯木竹石 明王紱

題枯木竹石

明鄭珣

枯木圖寄許士修

明方孝孺

題李營丘枯木圖

明唐文鳳

題枯木竹圖

明陳憲章

枯木竹石圖

明劉溥

劉時用枯木竹石

明劉珏

寫枯木幽篁

明張寧

題趙魏公木石圖

明王禕

題徵明寫贈潘崇禮灌木寒泉大幅

明祝允明

枯木竹石圖

明姚綬

題枯木竹石

明朱純

題王叔明枯木竹石

明高得暘

枯木竹石

明李廷儀

題喬柯秀石

明張鳳翼

倣倪迂寫林亭秀石

明李日華

題畫草木奇峰

明王景彰

畫石

唐劉商

畫石

宋白玉蟾二首

孫懷悅紙本亂石

宋文同

題孫舜俞府判瑞石圖

宋楊萬里

題劉才卿湖石扇頭

元元好問

宣和寶石圖

元王惲

趙氏宗室畫水石

元馬祖常

題柯敬仲博士畫石

元錢維善

題方壺水石圖

明唐同

題畫石

明張濬

題畫

元華幼武

題畫

明王慎中

題史癡翁畫

明盛時泰

題畫贈楊玄蔭大參

明董其昌

扇圖

明徐渭

御定歷代題畫詩類卷七十四目錄

欽定四庫全書

御定歷代題畫詩類卷七十四

樹石類

子瞻畫枯木

宋
孔武仲

寒雲行空亂春華西風凜凜空吹沙夫子抱膝若喪魄
誰知巧思中萌芽敗毫淡墨任揮染蒼莽菌蠢移龍蛇
畧增點綴已成就止見枯木成槎枒更無丹青相掩翳
惟有口鼻隨穿呀往年江湖飽觀闕一字或在山隈溪水

涯腹中空洞夜藏魅巔頂突兀春無花徑深最宜繫畫
舸日落時復停歸鴉蘇公早與俗子偶避世欲種東陵
瓜窺觀盡得物外趣移向紙上無毫差醉中遺落不祕
惜往往流傳藏人家趙昌丹青最細膩直與春色爭豪
華公今好尚何太癖曾載木車出岷巴輕肥欲與世為
戒未許木葉勝枯槎萬物流形若泣露百歲俄驚眼如
車樹猶如此不長久人以何者堪矜誇悠悠坐見死生
境但隨天機無損加却笑金城對宮柳泣然流涕空咨

嗟

題過所畫枯木竹石

宋

蘇軾

老可能為竹寫真小坡今與竹傳神
山僧自覺菩提長
心境都將付臥輪

散木支離得自全
交柯蚴蟉欲相纏
不須更說能鳴鴈
要以空中得盡年

倦看澀勒暗蠻邨
亂棘孤藤束瘴根
惟有長身六君子
依依猶得似淇園

子瞻與李公麟宣德共畫翠石古木老僧謂之憩

寂圖題其後

宋

蘇轍

東坡自作蒼蒼石留取長松待伯時只有兩人嫌未足
更收前世杜陵詩

西軒畫枯木怪石

宋

蘇轍

西軒素屏開白雲婆娑老桂依霜輪顧兔出走蟾蜍奔
河漢卷海機石蹲牽牛自載倚桂根清風颯然吹四鄰
東坡妙思傳子孫作詩髣髴追前人筆墨墮地稱奇珍

閉藏不聽落泥塵老人讀書眼病昏一省落筆生精神

和謝公定觀祕閣文與可枯木

宋

陳師道

斯人不復有累世或可期每於丹青裏一見如平時壞
障塵得入慘澹令人悲墨容落欲盡巖顏終不移朽老
萬餘年石心烏銅皮念此猶少作未盡冰霰姿北枝把
異鵲意定了不疑惜哉不得語曾次幾興衰一為要貴
役可復辭畫師隱奧雖可惜塗抹復見遺謝侯名家子
感慨形苦詞豈惟語畫工勁特頗似之何當補諫列一

吐胃中奇

題子瞻枯木

宋

黃庭堅

折衝儒墨陳堂堂書入顏楊鴻鴈行
曾中元自有丘壑故作老木蟠風霜

子瞻寺壁作小山枯木

宋

黃庭堅

海內文章非畫師能回筆法作枯枝
豫章從小有梁棟也似鄭公雙鬢絲

求郭侍禁水墨樹石

宋

黃庶

塵埃典却林泉閒家夢夜夜歸雲端知君弄筆欺造化
乞我幾株松石看

題莫壽朋內翰之所藏東坡所畫枯木

宋
孫觀

龍筋鶴骨老摧頽百尺修圍折巨雷倦鵲飛來望百繞
踏枝不著又驚回

同趙伯充觀東坡畫枯木

二首

宋
僧道潛

經綸志業終不試晚歲收功翰墨林偶向僧坊委陳迹

每經風雨聽龍吟

蕭然素壁倚枯枝
行路驚嗟況所思
惆悵騎鯨天上去
却來人世恐無期

西湖酒家壁畫枯木

元
宋
无

衡岳喬松道途遠
成都古柏山川隔
忽驚老樹刺眼來
疑是頽崖壓東壁
拗怒風雷龍虎氣
盤摺造化乾坤力
陰連滄海一片秋
秀奪西湖兩峰色
寒雲冉冉惹霾晝
影凍鮮綠泐借春
碧醉翁睥睨欲挂
衣禪伯經營思憩
錫

鳥鳶冥下踏枝空
猿猱夜過嗅藤仄
鐵幹銅柯嗅不香
蒼雪玄煙潤將滴
便擬攀蘿解糾纏
何須平地生荆棘
直須埽去曲碌姿
揮作昂霄數千尺

題楊友直檢校所藏李營丘枯木圖

元

虞集

老龍出海蒼髯鬚
營丘枯木天下無
回枝屈鐵墮崖雪
澗底應拾青珊瑚
明堂清廟要梁棟
朔風吹沙澤腹凍
老身不用歎遲莫
按圖來求萬鈞重

題高彥敬樹石圖

元 趙孟頫

喬木動秋風索索葉自語堂堂侍郎公高懷政如許

枯木圖

二首

元 貢性之

湖石東頭太液西春風宮樹半高低王孫金彈多如雨
不著黃鸝一箇啼

翠蘿牽恨引絲長黃葉將風戰曉霜莫怨一枝棲未穩
上林春樹近昭陽

題李成枯木

元 張天英

誰如惜墨李營丘
屈鐵交柯煙雨稠
記得滄江龍出蟄
怒鬚捲霧拔山湫

李士弘枯木風竹圖

元 劉 因

狂蛟舞空蒼髯拏
雙鐵蒙頂雲交加
亭亭霜標不受侮
慘澹天籟枯槎牙
西山古淵人莫測
一柱承天萬牛力
會須截玉化陂龍
拂拭苔光遺劍跡

墨石枯木

元 傅若金

人傳月中樹
恐是山河影
片石補天餘
參差碧雲冷

題趙承旨枯木竹石圖

元 馬祖常

猗歟太史諸王孫生綃畫出崑崙根枯槎菌蠢厄野火
淇園秋雨琅玕繁天寒歲暮碣石館囊書日見玄雲翻
持向故山茅屋底倚看屈曲大江奔

子昂枯木竹石圖

元 袁桷

亭亭木上座楚楚湘夫人因依太古石融液無邊春

題李遵道枯木竹石圖

元 李孝光

謫仙夜入雷電室捕得飛來石上梭却斫靈查挂明月

橫吹玉笛上天河

趙汝甫枯木竹石圖

元
李孝光

中林黃葉淨
沍沍眼底崢嶸見
此君清曉東池看黃菊
鳳毛無數落春雲

題李息齋枯木竹石圖

元
丁復

霜柯洞庭寒
露葉渭川冷
幽人美清夜
獨寫秋燈影

宣和畫木石

元
黃潛

石邊古木尚青枝
地老天荒石不知
故國小臣誰在者

蒼梧落照不成悲

題趙文敏公木石有先師題於上

元

張翥

吳興筆法妙天下人藏片楮無遺者南陽詩律動江湖
一篇才出人爭寫二老風流傾一時至今傳畫仍傳詩
清涵月露秋見影黑入雷雨寒無姿仇山黃鶴去不返
苕溪鷗保歲俱晚好呼鐵爪夜錚錚刻向青珉照人眼

題棘石圖

元

王翰

烈風號中林極目盡荆棘離離寒月秋莽莽古原夕冥

鴻振高翮鷓鴣翳深跡奈此貞固姿蒼茫更秋色

李遵道枯木竹石圖

元黃鎮成

老樹槎牙倚半空蒼筠葉葉帶秋風欲將歲晚論心事
遙憶美人江水東

倪元鎮古木竹石

元鄭元祐

雲林子外生死解內歎為天使帶經而鋤倦即休亦復
拈筆為林丘樹枝鱗皴崖石齒若有人兮在空谷招之
不來兮雲慘瘁以令人愁

趙集賢枯木竹石

元張憲

槎牙老樹響天風
寂歷幽篁泣露叢
惆悵玉堂舊公子
故家陵廟月明中

枯木竹石

元貢性之

怪石聳确厓谷深
涼風蕭瑟蒼雪陰
美人何處解長佩
湘波澧水勞余心

枯木竹石

元丁鶴年

青天騰一蛟
白日臥雙虎
何人歌竹枝
遙隔瀟湘浦

為吳處士畫喬林礪石

元
倪瓚

山家日出無行蹤
雪樹煙蘿遠且重
不見鹿眠磐石上
提壺自挂一長松

題倪雲林枯木竹石小景

元
陶宗儀

蒼玉庚庚翠袖扶
墨池洗出碧珊瑚
倪顛老去風流盡
只有雲林小畫圖

題枯木竹石

明
劉崧

曾聽楚人歌竹枝
橫江秋靜月明時
只今漂泊春風裏

綠滿南園總不知

平沙竹樹晚毵毵
楚客維舟近峽南
忽憶微雲將雨過
滿林秋色照江潭

木葉欲脫天雨霜
竹枝乍低風已涼
三湘落日流波白
行子繫船歸故鄉

枯樹圖歌

明

劉基

道傍古樹身半枯
白蟻穴根蟲穴膚
風摧雨撼霜雪凍
斷石艱脆無人扶
憶昔勾芒肇初政
百卉騰達隨呵噓

新柯在苒舊柯壯霧露膏沐光如濡黃鸝翡翠語嬌滑
桑扈戴勝鳴相呼白鶴來巢鹿止蔭匠石愕睨爭歎譽
寧知憂患生旦夕野火倏忽起不虞燎原烈焰難嚮過
孰問柞櫟杉與檜枝燔葉煥根半赤朽腐晡液非時湏
山林搖落歲方晏聊以薜荔為衣袂嗚呼廣廈棟梁具
委棄草莽同薪芻皇天未必替生意更盼玉燭回陽烏

吳仲圭枯木竹石

明

高啓

叢篠倚喬柯秋陰雨尚多風霜莫搖落留蔭石邊莎

題枯木竹石

寄李公實

明王紱

罨畫溪邊水拍隄，繞隄高樹倚雲齊。
君家正在樹深處，滿地綠陰山鷓啼。

題枯木竹石

明鄭珞

湘靈夢斷湘雲夕，涼葉瀟瀟瀉瀉秋。
碧君山半夜風雨來，萬頃波中老龍泣。

枯木圖

寄許士修

明方孝孺

春到已多時，幽禽尚未知。
上林無限好，何事立枯枝。

題李營丘枯木圖

明
唐文鳳

營丘枯木天下無筆端造化何榮枯想當磅礴欲畫際
天為逐興神為驅鄧林已化防風骨滄海乍出珊瑚株
良材何異徂徠產大用不值明堂需自憐形質赦斤斧
豈歎薪爨供樵蘇萬牛回首力未許獨匠指顧心難圖
空遺偃蹇蔽村野白石鑿鑿泉鳴枯梢似挂瘦蛇影
亂葉恍出乖龍鬚我生本是山澤臞隱居林樾同凡夫
昂霄聳壑日在望號雨呼風時與俱只今廊廟重締構

梗楠杞梓當貯儲按圖工師儻所取意營目盼增嗟吁

題枯木竹圖

明
陳憲章

美節晴欺雪殘株冷謝春因知名畫手不是狗時人

枯木竹石圖

為趙行恕作

明
劉溥

露華洗濕江上秋美人不來生別愁洞庭瀟湘隔千里
兩岬白雲如水流碧空茫茫九疑道君山一點青螺小
鷓鴣啼斷竹枝寒鳳凰飛去梧桐老

劉時用枯木竹石

明
劉珙

蒼龍夕挂千尋影彩鳳朝聞十里音月夜風朝我曾見
太湖石畔蘚痕深

寫枯木幽篁

送陳
大用

明
張寧

方洲秋日景荒涼古木幽篁徧草堂寫入溪藤送君去
情隨疎影共斜陽

題趙魏公木石圖

明
王禕

朝罷鑿坡春晝閒籀書飛白恣揮翰多因遺墨淋漓後
寫作虛篁木石看

題徵明寫贈潘崇禮灌木寒泉大幅

明
祝允明

具區之水被三州洞庭之樹千萬數沉森浩漭天下奇
灌木寒流此何許潘君挹朴山水人策杖行徧滄浪濱
陽崖衆目悅暄媚忽逢陰崕如有神禹鎖老龍鐵索絕
擎雲怒雨出洞穴木號水呼竹石裂衆蛇從之互盤結
蛻骨戍削雜鱗鬣颺颺風葉枸株壓急流抨撞石罅躍
珠跳汞走鬬澆灑微茫上析河漢注奔赴旁繞方丈脚

山鬼伏窺木客泣欲據恐被山伯扶仙老時下憩濯足
而晞髮招潘君兮吾子來共千歲以一息潘君歸語衡
山氏仙之人兮不可以久留吾恐一往境俱失宣州兔
肩之毛勁如石深醺金壺玄玉液閉門夜半役鬼工倏
忽移來宵無迹

枯木竹石圖

明姚綬

秋風吹空古樹葉白雨低壓新竹枝淨埽石頭看霽色
滿襟涼影鬚絲絲

題枯木竹石

明
朱純

槎枒老樹根盤錯翠筠靜倚荆山璞奇材異實世豈無
却抱真姿隱巖壑卞璵不可作伶倫難再逢吁嗟世俗
久聾聵高枝瑞鳳徒邕邕

題王叔明枯木竹石

明
高得暘

吾鄉畫手鶴山樵鶴去山空不可招真跡幸留王宰石
疎篁老樹共蕭蕭

枯木竹石

明
李廷儀

渴龍飲海海水枯稜撐怪石雲模糊
媧皇不用補天漏
長留對此珊瑚株珊瑚十丈插雲表
氣勢高壓扶桑曉
晝長清氣寒欲凝一天涼思秋冥冥
須臾鳳鳥西飛去
九疑對面何青青

題喬柯秀石

明
張鳳翼

怪石嶙峋虎豹蹲
蚪柯蒼翠蔭空村
亦知匠石不相顧
閱歷歲華多辭痕

倣倪迂寫林亭秀石

與修
閣

明
李日華

橋平來穩步亭小著閒身此地清吟者應非食肉人

題畫草木奇峰

明 王景彰

蒼蚪飛上天鱗鬣深麓長風吹不起散作千年綠

畫石

唐 劉商

蒼蘚千年粉繪傳堅貞一片色猶全那知忽遇非常用
不把分銖補上天

畫石 二首

宋 白玉蟾

一片嵯峨隨碧空嶽寄厯落最玲瓏從教把翫真堪醉

疑自當年栗里中

直作壺中九華看
碧玉簪玉小
于拳好藏莫使令人見
恐有癡情似米顛

孫懷悅紙本亂石

宋
文同

孫老抱奇筆
臨紙恣揮灑
從頭掃亂石
礫硿隨墨下
焦頑與圓潤
無一不精者
誰信萬鈞重
卷之不盈把

題孫舜愈府判端石圖

并序

宋
楊萬里

廬陵治中孫昌言字舜俞居越之諸暨縣作祭享之

亭於龜浦雞冠山先龍圖之瑩得石剖之中有文如
松桂枝葉可數圖之以示士大夫賦詩者甚衆來求
予詩因為賦之

雞冠山青龜浦碧松桂梢雲三萬尺何年星竇化為石
風吹未凝冰玉色仙人擘開光燭天山下人家夜不眠
松花桂子落如雪飛入石中堅似鐵石中種樹人不知
石中生樹人始奇君不見只今瑞圖滿四海騷人詩卷
牛腰大

題劉才卿湖石扇頭

元
元好問

幽澗雲凝雨未乾
曲池疎竹共荒寒
扇頭喚起西園夢
好似熙春閣下看

宣和寶石圖

元
王惲

浮雲萬態煥金書
染出湖光照坐隅
不道漢家規制遠
泰山磐石是基圖

趙氏宗室畫水石

元
馬祖常

生平已識趙王孫
竹素何年畫石根
萬里南雲秋似水

直容艇子到柴門

題柯敬仲博士畫石

元錢惟善

石逾玉潤不生苔
鐵笛吹殘自裂開
絕似雨晴炎海上
一雙翡翠忽飛來

題方壺水石圖

明詹同

古壁之間屋漏痕
淋漓元氣凝清渾
道人山中守龍虎
十日不見煙塵昏
拂拭填作一枯木
下有碎石分崑崙
斷劒挿入怪厓底
老蛟迸出秋雲根
神君怒立被玄髮

欲騎鐵騎超天門當時揮灑妙莫測鬼物驚走如星奔
青城仙伯絕筆久覩此髣髴其人存玄同隱者卧松雪
得畫遠寄來江村却憶麻姑洞口樹使人一夜勞心魂

題畫石

明
張濬

授簡何來訪穀城叱羊無地覓初平曾如艤棹瀟湘晚
水落空江山月明

題畫

元
華幼武

霜柯起涼颼苔石帶寒雨一片林壑姿條然不知暑

題畫

明

王慎中

繡壁峻嶒森怪立，蚪松夭矯相攫執。
修髯怒甲爭奮躍，灑淅疑乘風雨入。
蔦蘿蒙密畫長陰，雲氣淋漓晴亦濕。
複磴兼藏嵌竇深，空林恍聽濤聲急。
在谷幽人不可招，白日此中容易匿。

題史癡翁畫

明

盛時泰

老樹槎牙鐵作柯，亂竹縱橫拂雲起。
誰知一段秣陵秋，寫在癡翁半邊紙。
癡翁癡翁蓬萊精，有時拈筆人皆驚。

想見卧癡樓上景狂歌醉舞鳴秦箏我本大城山裏客
看君圖畫來君宅出門却被強題詩坐對疎棚荳花白

題畫贈楊玄蔭大參

明

董其昌

嘉樹森梢一百章藤陰蒙翳午生涼祇因較勘高僧傳
却誤松牕鶴夢長

扇圖

明

徐渭

渺渺平沙四望通天涯雙樹立秋風畫工不解寒鴉意
寫入隋堤綠柳中

御定歷代題畫詩類卷七十四

欽定四庫全書

御定歷代題畫詩類卷七十五目錄

蘭竹類

題楊次公春蘭

宋蘇軾

墨蘭

宋陳與義

墨蘭

宋鄭思肖

李夫人畫蘭歌

元王惲

題墨蘭圖

元吳澄

題墨蘭圖

元袁桷

次韻張秋泉墨蘭

元袁桷

墨蘭

元袁桷二首

題趙子固墨蘭

元鄧文原

墨蘭

元楊載

觀錢塘上人墨蘭

元范梈

題明公畫蘭

元黃潛

畫蘭

元吳鎮

題趙吳興墨蘭 元陳旅

題畫蘭 元陳旅二首

題蘭 元張翥

畫蘭 元貢師泰二首

題趙子固墨蘭 元韓性

明上人畫蘭圖 元王冕

子昂蘭 元鄭元祐

趙魏公蘭 元倪瓚

題方厓墨蘭 元倪瓚

畫蘭 元貢性之

題墨蘭 元張雨二首

吳興墨蘭 元張雨

題趙子昂蘭 元張天英

題趙翰林畫蘭 元張天英

題明雪牕蘭 元張渥

題趙翰林墨蘭 元張渥

題趙子昂墨蘭 元屠性

畫蘭 元丁鶴年

鄭山輝畫蘭 元唐肅

題蘭花圖 明劉基

題雪牕墨蘭 明張以寧

墨蘭 明張以寧

題王翰林所藏畫蘭 明高啓

趙仲穆墨蘭 明楊基二首

仲穆著色蘭

明張羽二首

墨蘭

明管訥

題蘭

明鄭真

題蘭

明林環

宋徽廟畫蘭

明張燦

畫蘭

明陳憲章三首

題蘭

明岳正

題蘭

明李東陽

題蘭與饒裕

明羅倫

題衍聖公畫蘭

明程敏政

題趙子固畫蘭

明吳寬

子昂蘭

明史鑑

題馬麟畫蘭

明陸深

四蘭圖

明楊慎

畫蘭

明謝承舉

為鍾清叔題薛五蘭卷

明吳夢陽

題徐明德墨蘭

明薛綱

題畫蘭

明張濬

題畫蘭

明朱石

題鄭所南畫蘭

明朱凱

為謝道士題蘭卷

明王世貞

題畫蘭花

明王世貞

畫了蘭

明陸治

王楚玉畫蘭

明陳繼儒

畫蘭

明李日華二首

風蘭

明李日華

雨蘭

明李日華

題小姬畫蘭

明王微二首

寫蘭

明景翩翩二首

題蘭

明僧宗泐

題趙松雪墨蘭

明僧宗衍

題懸崖蘭圖

明僧宗衍

題畫蘭 明僧用章

題商學士畫蘭 明僧大圭

題楊次公蕙 宋蘇軾

墨蕙 宋陳與義

題趙師舜光風轉蕙汎崇蘭圖 元虞集

墨蘭蕙 元袁桷四首

題蘭蕙同芳圖 元李祁

題子固蕙蘭卷 元唐升

題子固蕙蘭卷 元趙友同

題子固蕙蘭卷 元李皓

題蘭蕙便面 元張天英

題光風轉蕙圖 元張天英

題蕙蘭圖 元釋良琦

題雪牕蘭蕙同芳圖 明張以寧

題北山蘭蕙同芳圖 明張以寧

蘭蕙圖 明商輅

趙子固蘭蕙卷

明錢逵

題汪華玉子昂蘭石

元虞集四首

題趙松雪竹石幽蘭

元仇遠

題無詰蘭石

元李祁

題子昂蘭石

元于立

題蘭棘同芳圖

元李祁

次引浚儀公題蘭竹卷子韻

元楊載

子昂蘭竹墨戲

元袁桷二首

題趙公畫蘭竹 元黃潛

題畫蘭竹 元陳旅

為吳德良題承旨所贈蘭竹圖 元陳旅

題無詰沅湘蘭竹圖 元劉躍

題趙子昂為吳德良所作蘭竹圖 元吳師道

子昂蘭竹圖 元吳師道

蘭竹 元貢性之

題柯敬仲博士明雪牕長老蘭竹 元錢惟善二首

題江虛白懸巖蘭竹 明劉崧

蘭竹畫 明劉溥

題蘭竹圖 明楊守陞

趙松雪蘭竹圖 明吳寬

蘭竹圖 明程敏政

題馬姬畫蘭竹 明張鳳翼

蘭竹 明李日華

畫蘭竹題贈蘇時欽 明薛素素

題蘭水仙墨竹 元袁士元

題畫蘭卷兼梅花 元王冕

御定歷代題畫詩類卷七十五目錄

欽定四庫全書

御定歷代題畫詩類卷七十五

蘭竹類

題楊次公春蘭

宋蘇軾

春蘭如美人不採羞自獻
時聞風露香蓬艾深不見
丹青寫真色欲補離騷傳
對之如靈均冠佩不敢燕

墨蘭

宋陳與義

鄂州遷客一花說仇池
老仙五字銘併入晴窗三昧手

不須辛苦讀騷經

墨蘭

宋 鄭思肖

鍾得至清氣精神欲照人抱香懷古意戀國憶前身空
色微開曉晴光淡弄春淒涼如怨望今日有遺民

李夫人畫蘭歌

元 王 惲

清閨堂深不知暑瑤草佳期夢玄圃孫郎笑折紫蘭來
素影盈盈映修渚李夫人澹丰容天然與蘭相始終刻
藤一筆作九畹落墨不減江南工芳姿元與凡卉異眩

睚況是湘纍叢離騷不復作遺恨千古沈幽宮君看此
花有深意似寫靈均幽思悲回風君家大雅堂文彩東
野翁併入慘澹經營中秋風拂簾秋日長芳霏霏兮汎
崇光淡妝相對有餘韻畫蘭桂子空秋香淡軒託物明
孤潔五十年來抱霜節固知色相皆空寂妙得於心聊
自適仿佛湘娥倚暮花黃陵廟前江水碧生平佩服真
賞音升聞紫庭非素心喚起謫仙搖醉筆為翻新曲寫
瑶琴

題墨蘭圖

元 吳澄

赤節紅芳楚澤春
心期千載一靈均
不知何代為茅塞
誰認高枝細細紉

題墨蘭圖

元 袁桷

秉芳空林中介石
交不黷飛英散玄
佩受露如膏沐羣
妖春炫晝墨守益
慎獨豈不念歲晏
自獻傷我足矯矯
金石交挽之不盈
掬疏清湛虛心振
直耿潔腹昊天有
正令俛仰萬物肅
臨風獨躊躇白駒
儼空谷

次韻張秋泉墨蘭

元
袁
桷

虛牕秋思集晨興愴無餘墨池漾清泉天葩散紛敷愛
此巖中君贈以碧玉腴微雲解蒼佩縹緲疑空無遠謝
丹白昏詎畏霜霰濡守黑志有在談玄道非殊愧彼夷
與齊潔腹不受汙湘纍慨永古世人陋其迂臨風嗅餘
清是豈真緇徒乃知萬化寂妙巧窺分銖幽峰綴疎蘂
點點游晴虛閉門謹視之黃塵政紛如

墨蘭
二首

元
袁
桷

飛瓊散天葩因依空巖側守墨聊自韜不與衆草碧
仙人紫玉枝化為蒼水佩獨立搖落中秋風得相貸

題趙子固墨蘭

元 鄧文原

承平灑翰向丘園芳佩累累寄墨痕已有懷沙哀郢意
至今春草憶王孫

墨蘭

元 楊載

謂香辭迫求曰色却媚愛執德非固然何用結為佩

觀錢塘上人墨蘭

元 范梈

蘭以比君子所貴者幽深黯然空谷中遠為人所欽志
士秉美德如玉復如金篤實而輝光芳華出喬林偶然
為時出節義凜森森下愜烝庶望上當君王心功成無
所累宿好在雲岑

題明公畫蘭

元
黃 潛

吳僧戲筆點生綃娟娟幽花欲動搖夢斷楚江煙雨外
秋風灑水莫瀟瀟

畫蘭

元
吳 鎮

赳赳風下東吳舟
杯土移入漳泉秋
初疑紫筵攢翠鳳
恍如綠綬縈青虬
猗猗九畹易消歇
奕奕百畝多淹留
軒牕相逢與一笑
交結三友成風流

題趙吳興墨蘭

元陳旅

江南三月多芳草
綠葉連娟映紫莖
憶昔艤舟苔雪上
一汀香雨入琴清

題畫蘭

二首

元陳旅

楚畹春露濃幽芳
發瓊莖寧同薺麥
秀不與蕭艾生

九畹光風轉重巖
墜露香紫宮祠太一
瑤席薦瓊芳

題蘭

元
張翥

鷓鴣聲中花片飛
楚蘭遺思獨依依
春風先自悲芳草
惆悵王孫又不歸

畫蘭

元
貢師泰

西望沅湘不盡流
紅芽綠葉自生愁
王孫去後無消息
風雨山中日日秋

畫蘭

元
貢師泰

光風吹碧草零露被芳畹美人秉幽貞獨立歲云晚杳杳楚山深悠悠湘水遠何當結瓊佩寄此情繾綣

題趙子固墨蘭

元 韓 性

鏤瓊為佩翠為裳冷落遊蜂試采香煙雨館寒春寂寂不知清夢到沅湘

明上人畫蘭圖

元 王 冕

吳興二趙俱已矣雪牕因以專其美不須百畝樹芳菲霜毫掃連光風起大花哆脣如笑人小花斂媚如羞春

翠影飄飄舞輕浪正色不染湘江塵湘江雨冷暮煙寂
欲問三閭杳無迹慨慷不忍讀離騷目極飛雲楚天碧

子昂蘭

元
鄭元祐

孤臣萬古愁湘渚水東流江芷汀離滿空令泣楚囚

趙魏公蘭

元
倪瓚

天上宣和落墨花
昇齋松雪擅名家
遙看苔雪山如玉
雪後春風自茁芽

題方厓墨蘭

元
倪瓚

蕭散重居寺春風蕙草生幽林蒼蘚地綠葉紫瑤莖早
悟聞思入終由幻化成虛空描不盡明月照敷榮

畫蘭

元貢性之

吳剛斫斷雲根石不數珊瑚高百尺美人林下獨含愁
霹靂一聲山鬼泣

題墨蘭

贈別于一山之京師

元張雨

三月愁送客春寒雨如霰冥冥返塞鴻悄悄棲梁燕揚
帆五十日蓬萊望中見欲持猗蘭操一奏南薰殿

題墨蘭

元 張 雨

滋蘭九畹空多種何似墨池三兩花近日國香零落盡
王孫芳草遍天涯

吳興墨蘭

元 張 雨

墨君石友是同參幾葉光風染碧嵐悵望王孫杳何許
年年芳草滿江南

題趙子昂蘭

元 張 天 英

鷗波亭下楚香銷公子騎箕上汨水縱是死灰芬酷烈

巫陽誰下九重招

題趙翰林畫蘭

元 張天英

吳雲楚樹碧離離
手折瑤花半醉時
秋佩影搖湘浦月
鳳皇翅冷玉參差

題明雪牕蘭

元 張渥

援琴誰歎生空谷
結佩應憐感逐臣
九畹斷魂招不得
墨花夜泣楚江春

題趙翰林墨蘭

元 張渥

白鷗波點硯池清楚畹香風筆底生記得弁峰春雨後
撥雲移種向南榮

題趙子昂墨蘭

元屠性

王孫宴罷碧瀾堂翠羽瓊蕤結佩裳欲寄靈均無處所
至今遺恨滿瀟湘

畫蘭

元丁鶴年

湘皋風日美芳草不勝春欲採綴為佩慙非楚蓋臣

鄭山輝畫蘭

元唐肅

親見先生下筆時緣坡委谷共分披前身合是江潭客
萬葉千花盡楚辭

題蘭花圖

明 劉基

幽蘭花在空山美人愛之不可見裂素寫之明牕間幽
蘭花何菲菲世方被佩蕢蕢施我欲紉之充佩韋眾眾
獨立衆所非幽蘭花為誰好露冷風清香自老

題雪牕墨蘭

為湖廣都事
李則文作

明 張以寧

君家詩好錦袍仙蘭雪清風故灑然金地禪僧留妙墨

水天學士寫新篇香來筆底吳雲動思入琴邊楚月懸
聖代即今深雨露流芳千載待君傳

墨蘭

為湛然上人題

明

張以寧

雲林蒼蒼石齒齒一花兩花幽薄底遠香自到定中來
道人湛然心不起

題王翰林所藏畫蘭

明

高啟

春到懷王舊渚宮沙棠舟去水煙空孤叢不有幽香發
應沒江邊百草中

趙仲穆墨蘭 二首

明 楊基

當年曾進福州蘭
小殿秋風翠珮寒
零落楚香收不得
且從魏國畫中看

繁露幽香泣翠娥
冷雲纖月淡秋河
沅湘一帶皆春色
誰道懷王廟裏多

仲穆著色蘭 二首

明 張羽

芳草碧萋萋
思君澧水西
盈盈葉上露
似欲向人啼
鸞輿去不返
風雨湘江曲
芳草獨無情
還如裙帶綠

墨蘭

明
管訥

青草三閤亭下蒼梧二女祠前欲采幽芳寄遠月明秋水洎洎

題蘭

明
鄭真

國香散落翠巉巖
皜皜芳叢玉露涵
楚佩可憐零落盡
春風春夢過湘南

題蘭

明
林環

空林闌無人愛此幽草芳
光風泛叢綠猗猗煙葉長
執

衽擷其英露氣襲襟裳緬懷紉佩者千載那能忘白石
生深林託根有叢芳幽豔間深翠清風任披揚蕭艾誰
與羣不能化其臧却笑桃李花冶麗爭春陽

宋徽廟畫蘭

明張燦

御墨淋漓寫楚蘭披圖却憶政宣間分明一種湘纍怨
萬里青城似武關

畫蘭

明陳憲章

誰將水墨寫橫披竹石荆蘭也自宜記得湘潭秋雨後

清香猶帶楚臣悲

題畫蘭

明
陳獻章

陰崖百草枯蘭蕙多生意君子居險夷乃與恒人異

題畫蘭

明
陳獻章

楚人有雜佩可以袂不祥願言踐臺省奉為王者香

題蘭

明
岳正

曾倚東風嗅國香
星軺此日度沅湘
於今客裏看圖畫
搔首無言祇自傷

題蘭

為司寇
何公作

明

李東陽

楚澤有幽蘭名高百花選孤根託地靈芳心應時展陽
和一披拂春色無深淺清風徧六合孰為知者鮮援琴
思昔人古意嗟已緬層崖數枝竹意若相慰勉穠華須
却避荆棘行當剪幸此挹餘芬披圖漫舒卷

明

題蘭與饒裕

羅倫

翠袖舞春暉光風感自微夜深渾不寐玉露點羅衣

題衍聖公畫蘭

明

程敏政

國香那藉彩毫工千載猗蘭曲未終金石交情期歲晚
棘叢未實漫春風

題趙子固畫蘭

明
吳寬

王孫弄筆成墨數九畹依然連百畝開圖墨瀋將誤拾
撲袖香風不勞顛破縑零落三百年非藉好事安能傳
寸根無土強生活鄭老後來真可憐

子昂蘭

明
史鑑

國香零落佩纓空芳草青青合故宮誰道有人和淚寫

託根無地怨東風

題馬麟畫蘭

明
陸深

秋風九畹正離離
畫裏相看一兩枝
欲寄所思無奈遠
閒拈湘管對題詩

四蘭圖

明
楊慎

蘭為君子佩
植根不當門
幽谷發遠馥
九畹詠王孫
蘭為美人採
蘋藻掩芳潔
沐浴助精禋
豈為鄉澤設
蘭為仙姬名
升雲女兒山
玄景入天上
名字留人間

蘭為王者香鬱鬱薦清廟猗猗有遺音併入瑤琴調

畫蘭

明
謝承舉

徐熙圖罷霧生牕墨藻詞葩世少雙
招得楚魂飛不去
夜深殘影落寒江

為鍾清叔題薛五蘭卷

明
吳夢暘

薛五嫁人苦不早皆知娼家擅技巧
寫生乃是第一枝
所見無如此卷好蕙質蘭心有深寄
葉葉莖莖吐幽思
其餘點綴亦復佳刻藤數丈披清氣
畫兼題詠頻致余

余亦每呼薛校書居然獨立脂粉外薌澤全拋絃索疎
通國名娃出其下仍嗟舉世無知者眼中鍾叔比鍾期
此卷祇應遺叔也叔也有情情復起我題情語情如水
枉教夢到湘江頭湘江水絕蘭枯死

題徐明德墨蘭

明薛綱

我愛幽蘭異衆芳不將顏色媚春陽西風寒露深林下
任是無人也自香

題畫蘭

明張濬

翠袖衝寒暮倚樓
高山流水思悠悠
玉人何處空遺珮
月落滄江一笛秋

題畫蘭

明
朱石

九畹香清露氣寒
三湘月落淚痕乾
楚天空濶秋無際
誰復行吟澤畔看

題鄭所南畫蘭

明
朱凱

渚宮春冷北風寒
九畹蕭條入塞垣
老死靈均在南國
百年誰為賦招魂

為謝道士題蘭卷

明
王世貞

離離九畹暗香來
讀罷玄經手自裁
莫倚謝家庭內物
不知新種在蓬萊

題畫蘭花

明
王世貞

處為幽谷香出為王者
瑞不同百草萎秋風
紉成佩

畫了蘭

明
陸治

玉戟稜稜應節分
枝枝柔玉紉香雲
凝妝擬待三更月
露染生綃六幅裙

王楚玉畫蘭

明 陳繼儒

年來空谷半霜風，留得遺香散草叢。
只恐樵人溷蘭艾，紅顏收在束薪中。

畫蘭 二首

明 李日華

燕泥欲墮濕凝香，楚畹經過鬪蝶忙。
如向東家入幽夢，儘教芳意著新妝。

懊恨幽蘭強主張，花開不與我商量。
鼻端觸著成消受，著意尋香又不香。

風蘭

明 李日華

托身得所倚當此雄風快吐語正傾懷無心約裙帶

雨蘭

明 李日華

側身非取妍延頸欲送語不辭展香綯春塘夜來雨

題小姬畫蘭

二首

明 王 氏 名微

借郎畫眉筆為郎畫紈扇紈扇置郎懷開時郎自見
幽牕墨麝濃騷經親自注為恨子蘭名抹入棘叢去

寫蘭 二首

明 景 氏 名翹

道是深林種還憐出谷香不因風力緊何以度瀟湘
但吹花信風莫作妬花雨我欲采瑤枝挽得同心住

題蘭

明
僧宗泐

溪寺曾栽數十叢紫莖綠葉領春風年來蕭艾過三尺
白首看圖似夢中

題趙松雪墨蘭

明
僧宗衍

湘江春日靜輝輝蘭雪初消翡翠飛拂石似鳴蒼玉珮
御風還著六銖衣夜寒燕姑空多夢歲晚王孫尚不歸

千載畫圖勞點綴所思何處寄芳菲

題懸崖蘭圖

明僧宗衍

居高貴能下值險在自持此日或可轉此根終不移

題畫蘭

明僧用章

綠葉微風際清香小雨餘湘江春水濶愁殺楚三閭

題商學士畫蘭

明僧大圭

商公握筆倚清酣愛寫風光蕊半含無限王孫芳草恨

盡隨煙雨入江南

題楊次公蕙

宋 蘇軾

蕙本蘭之族依然臭味同
曾為水仙佩相識楚辭中
幻色雖非實真香亦竟空
云何起微馥鼻觀已先通

墨蕙

宋 陳與義

人間風露不到畹只有酪奴無
世塵何須更待秋風至
蕭艾從來不共春

題趙師舜光風轉蕙汎崇蘭圖

元 虞集

衆芳非不多金石好兄弟
雜佩以問之春風接襟袂

墨蘭蕙 四首

元 袁 桷

金明秋林清月白
楚天碧美人眇愁予服媚永今夕
采芝不成仙食薇難療飢結茲以為佩
臨風酌湘纍
天香落銀楮秋聲入玄筆何如湘夫人促軫鼓靈瑟
組綬何承承琲珠復纍纍相視不以色紛披映簾帷

題蘭蕙同芳圖

元 李 祁

蘭生花葉短蕙老花葉長短長各自媚異體同芬芳
但依竹石根不羨桃李場君子有令德千載流輝光

題子固蕙蘭卷

元唐升

光風卷裏動清芬
遺質如飄白練裙
七澤霜寒悲楚客
九疑雲盡望湘君
猗猗溪上香猶在
渺渺江邊佩見分
一自騎鯨去滄海
人間消息絕無聞

題子固蕙蘭卷

元趙友同

修葉亂紛敷
幽花藹鮮澤
雖非百畝繁
孤馨自朝夕
撫卷動遐思
悠然長太息

題子固蕙蘭卷

元李皓

王孫心機精下筆多雅製坐令湘楚華墨香滿天地

題蘭蕙便面

元張天英

障面無嫌京洛塵一叢蘭蕙出冰輪只疑大地山河影
不照沅湘有逐臣

題光風轉蕙圖

元張天英

蕙乃蘭之族一枝三四花誰將金莖露煉作紫河車白
鶴銜之去飛獻玉宸家飄蕭紫雲帶光風茁其芽吾將
攬為幄山中卧煙霞

題蕙蘭圖

元 釋良琦

蕙蘭生深林結根同芬芳
綠葉緣風轉羣葩耀春陽
飄飄青霞袂粲粲雕玉璫
貞哉不自獻宜為王者香
念彼君子德比之惟允常
持以遺所思交好勿相忘

題雪牕蘭蕙同芳圖

明 張以寧

春來騷意滿江干
轉蕙光風更泛蘭
睡起老禪閒一笑
月明香雪竹牕寒

題北山蘭蕙同芳圖

明 張以寧

秋露春風各自妍幽香併到雨華前道人不是騷愁客
慣讀南華第二篇

蘭蕙圖

明
商輅

蘭以比君子蕙比大丈夫人物雖云異氣味乃不殊託
根深林下羞與桃李俱妖豔任紛紛貞姿恒自如共言
王者香宜為禁苑居一朝移植後雨露恣霑濡芬芳異
凡卉馥郁盈天衢採擷足紉佩把玩堪怡娛發舒似遲
晚蠲潔無終初誰將幽靜意寫此蘭蕙圖對之遂清賞

塵慮焉能紆呼童出門巷止回俗士車光風九畹來芳
菲襲人美惟有同心言清芬宛相似

趙子固蘭蕙卷

明錢逵

王孫書畫出天姿痛憶承平鬢欲絲長惜墨花寄幽興
至今葉葉向南吹

題汪華玉子昂蘭石

四首

元虞集

海內出珊瑚枝撐碧月孤蛟人拾翠羽泣露得明珠
參差不可吹紉佩寄遠道遂令如石心歲晚永相好

抱玉下天河繞叢秋露多天寒翠袖薄日暮欲如何
翠袂倚岩堯來尋碧玉簫拂衣成歷劫遺跡映寒潮

題趙松雪竹石幽蘭

元 仇遠

舊時長見揮毫處修竹幽蘭取次分欲把一竿苔水上
鷗波千頃看秋雲

題無詰蘭石

元 李祁

昔年曾向吳門住每日僧房看露叢今日却逢無詰畫
町畦全似雪牕翁

題子昂蘭石

元
于立

閒向江邊結佩玕，楚宮花草露離離。
王孫去後春風曉，拾得幽芳欲遺誰。

題蘭棘同芳圖

元
李祁

幽蘭既叢茂，荆棘仍不除。
素心自芳潔，怡然與之俱。

次引浚儀公題蘭竹卷子韻

元
楊載

樹蕙連叢竹，祇應族類同。
相依巖石畔，併入畫圖中。
勁葉凝清露，危梢倚碧空。
諒非高世士，此意固難通。

子昂蘭竹墨戲 二首

元 袁桷

玄霜落銀繭飄飄湘江佩服媚疑褻之碧牕靜相對
迸地麟角精摩空鳳毛聳寒泓散晴煤桃李爭色動

題趙公畫蘭竹

元 黃潛

猗蘭幽人操綠竹君子德天天彼棘心胡為久吾側

題畫蘭竹

元 陳旅

美人隔澧浦日莫倚幽篁繁霜忽已隕為我紉秋芳

為吳德良題承旨所贈蘭竹圖

元 陳旅

細竹生石間幽蘭與之俱愛彼有貞節而此芳不渝空
谷塵躅遠公子為停車懷人重移植臨風寫為圖君子
實似之歲晏聊與娛

題無詰沅湘蘭竹圖

元劉躍

兩竿翠竹拂雲長幾葉幽蘭帶露香好手移來牕戶裏
不須千里望沅湘

題趙子昂為吳德良所作蘭竹圖

元

吳師道

幽蘭何猗猗疎篁亦蕭蕭石間澹相倚會合不待招吾

宗昔妙年依光近乘軺清芬散春直風氣凌煙霄美人
松雪居逸思共飄飄忻然染毫素寫之配高標寶藏三
十載不啻英瓊瑤相攜江湖上未覺山林遙勗哉君子
心自保同不凋

子昂蘭竹圖

元
吳師道

湘娥清淚未曾消楚客芳魂不可招公子離愁無處寫
露花風葉共蕭蕭

蘭竹

元
貢性之

翠鸞飛下尾毵毵怪石嶄巖倚碧潭一路鷓鴣啼不斷
行人揮淚濕征衫

題柯敬仲博士明雪牕長老蘭竹 二首

元 錢惟善

適從楚畹來邂逅此君子乃知巖壑姿風致頗相似
光風泛崇蘭玉立共瀟灑襟抱有雙清歲暮遺遠者

題江虛白懸巖蘭竹

明 劉崧

懸雲翠壁三千尺浥露幽蘭四五花安得乘風裁紫玉

月明吹向玉宸家

蘭竹畫

明
劉溥

湘江雨晴白雲濕湘妃愁抱香蘭泣望望夫君去不還
珮珠落盡無人拾碧天秋冷明月多千里洞庭橫白波
請君莫唱竹枝曲水遠山長其奈何

題蘭竹圖

明
楊守陞

深谷香風泛紫蘭雲根斜倚碧琅玕若為畫化黃金色
應作西山返照看

趙松雪蘭竹圖

明
吳寬

鷗波亭上春風筆秀色翛然共一丘頭白江南真想見

幽蘭叢竹帶桑州

蘭竹圖

題贈蕭給事文
冊乃郎賦秋試

明
程敏政

湘皋春婉婉居然見雙清幽香下覆之翠條仰而承高
石既磊砢新泉亦泓澄臨風况君子去住有餘情

題馬姬畫蘭竹

明
張鳳翼

竹翠蘭芳身外身湘波曾待月傳神秦淮別有濡毫處

豈必崔徽解寫真

蘭竹

明

李日華

江南四月雨晴時
蘭吐幽香竹弄姿
蝴蝶不來黃鳥睡
小牕風捲落花絲

畫蘭竹題贈蘇時欽

明

薛氏

名素素

翠竹幽蘭入畫雙
清芬勁節伴閒牕
知君已得峨眉秀
我亦前身在錦江

題蘭水仙墨竹

元

袁士元

上林春又老在野抱幽貞泣露丹心重凌波玉步輕孤
山初雪霽三徑午風清志操渾相似何妨共結盟


題畫蘭卷兼梅花

元

王冕

湘江雲盡湘山青秋蘭花開秋露零三閭已矣喚不起
務猶蕭艾春娉婷冷飈吹香散郊垌山蜂野蝶何營營
幽人脫畧景色外竟坐不讀離騷經西湖昨夜霜月明
梅花見我殊有情逋仙祠前塵土清老鶴千子如人行
天邊飄渺來鳳笙玉壺吳酒顛倒傾酒闌興酣拔釵舞

忽覺海日東方生



御定歷代題畫詩類卷七十五

欽定四庫全書

集部

御定歷代題畫詩類卷七十六
七

詳校官侍郎臣李紱

主事銜臣徐以坤覆勘

總校官降調編修臣倉聖脉

校對官編修臣繆晉

謄錄監生臣吳德潤

欽定四庫全書

御定歷代題畫詩類卷七十六目錄

蘭竹類

畫竹歌

唐白居易

壁畫折竹雜言

唐吳融

畫竹

元馬祖常

畫竹

元楊載二首

畫竹

元吳鎮二十一首

題畫竹

元薩都拉

竹圖

元吳師道

題畫竹

元倪瓚二十四首

題竹

元劉永之三首

題竹

元貢性之三首

畫竹

元華幼武

畫竹

元丁鶴年二首

題竹

元張舜咨

畫竹歌 明劉基

題畫竹 明劉基

題畫竹 明貝瓊

畫竹 明王佐

題竹 明林鴻

題畫竹 明陳亮

題畫竹 明袁華

題竹 明金幼孜

為楊庶子題紙屏畫竹

明金幼孜

題竹

明王紱

畫竹自題

明虞謙

題畫竹

明林環

畫竹

明郭厓

題畫竹

明高璧

畫竹

明伍方

題竹

明徐貫

題畫竹

明張泰

畫竹

明劉師邵

題畫竹

明羅倫

題竹

明莊昶

題壁間竹

明魯鐸

畫竹

明田登

畫竹

明何景明

題畫竹

明楊慎

畫竹 明舒芬

畫竹 明謝承舉

題畫竹 明王潤

題畫竹 明吳宣

題竹 明沈周

題畫竹 明李叔玉

畫竹 明李廷儀

畫竹 明張倬

畫竹

明徐渭十一首

題竹行

明僧宗泐

題竹

明僧古春

畫竹扇

宋梅堯臣

題扇頭

金王利賓

扇上竹

元楊載

題畫竹扇子

元陳旅

為戴容安題扇竹

明金幼孜

題紈扇折枝竹

元陶宗儀

題扇上竹枝

明高啓

題畫竹枝

明李日華

竹枝

明李日華

御定歷代題畫詩類卷七十六目錄

欽定四庫全書

御定歷代題畫詩類卷七十六

蘭竹類

畫竹歌

并序

唐

白居易

協律郎蕭悅善畫竹舉時無倫蕭亦甚自祕重有終
歲求其一竿一枝而不得者知予天下好事忽寫一
十五竿惠然見投予厚其意高其藝無以答貺作歌
以報之凡一百八十六字云

植物之中竹難寫古今雖畫無似者蕭郎下筆獨逼真
丹書以來唯一人人畫竹身肥擁腫蕭畫莖瘦節節竦
人畫竹梢死羸垂蕭畫枝活葉葉動不根而生從意生
不筍而成由筆成野塘水邊碕岸側森森兩叢十五莖
嬋娟不失筠粉態蕭颯畫得風煙情舉頭忽看不似畫
低耳靜聽疑有聲西叢七莖勁而健省向天竺寺前石
上見東叢八莖疎且寒曾憶湘妃廟裏雨中看幽姿遠
志少人別與君相顧空長歎蕭郎蕭郎老可惜手顫眼

昏頭雪色自言便是絕筆時從今此竹尤難得

壁畫折竹雜言

唐
吳融

枯纏藤重敲雪渭曲逢湘江別不是從來無本根畫工
取勢教摧折

畫竹

元
馬祖常

海霧溟濛暗珠浦宮雲杳靄連玉田借力重截十二管
吹引鸞鳳都下天

畫竹 二首

元
楊載

翡翠含春霧琅玕振曉風清聲來枕上秀色入簾中
萌芽成虎豹變節作蛟龍正直惟吾與清修必子從

畫竹自題

元
吳鎮

圖畫書之緒毫素寄所適垂垂歲月久殘斷爭寶惜始
由筆硯成漸次忘筆墨心手兩相忘融化同造物軒牕
雲靄溶屏障石突兀林麓繆槎牙禽鳥翥翰翮可憐俗
澆漓揣摩竟紛出裝褉雜真贗丹粉誇絢赫千金易散
帚什襲寶燕石米也百世士賞會神所識伶倫世無有

奇響竟寥寂良樂難再遇抱恨長太息

畫竹

十二首

元

吳鎮

霏霏桃李花競向春前開如何此君子四時清風來
亭亭月下陰挺挺霜中節寂寂空山深不改四時葉

野色入高秋寒影逝湘

一作空影映湖水

日午思晚一作北窗涼清

風為誰起

竹牕思闌寂銅博香委曲胷中無用書寫作湘之綠
逕深茅屋陋樹倚夕陽斜行遍青山路何丘不可家

抱節元無心凌雲如有意置之

一作
寂寂

空山中凜此君子

志

忽見不是畫近聽疑有聲落落不對俗涓涓長自清
湘妃祠下竹葉葉著秋聲鸞鳳清宵下吹簫坐月明
短梢塵不染密葉影低垂忽起推篷看瀟湘過雨時
碧篠挺奇節空霏散零露十年青山游得此幽貞趣
片片落花心悠悠飛絮意清風明月中此風不可企
日日行青山無竹不可留可憐春風中桃李多春愁

畫竹

元
吳鎮

與可畫竹不見竹東坡作詩忘此詩高麗老繭冰雪古
戲成歲寒巖壑姿紛紛蒼霰落碧篠謾謾好風扶舊枝
猗猗頭角易變化細聽夜深雷雨時

畫竹
七首

元
吳鎮

解籜初聞粉節香拂雲又見影蒼蒼鳳皇不至伶倫老
無奈荆榛特地長

長憶前朝李荊丘墨君天下擅風流百年遺跡留人世

寫破湘潭夢裏秋

愁來白髮三千丈
戲寫清風五百竿
幸有穎奴知此意
時來几上弄清寒

此君不可一日無
纔著數竿清有餘
露葉風梢承硯滴
瀟湘一曲在吾廬

葉葉如聞風有聲
盡消塵俗思全清
夜深夢遠湘江曲
二十五絃秋月明

低垂新綠影離離
倚石臨泉一兩枝
憶得昔年今日見

鳳凰池上雨絲絲

有竹之地人不俗而況軒牕對竹開誰謂墨奴能倒景
一枝獨上紙屏來

題畫竹

元
薩都拉

小雨春池濕鳳毛天孫深夜織蛟綃何人更立湘江水
獨倚薰風憶舜韶

竹圖

元
吳師道

透石迸新芽清泉映娟翠安妍競陽春勗哉歲寒意

題竹圖

元倪瓚

黃陵廟前雨過邯鄲谷口風生愛殺山人清致縱橫深寫秋聲

畫竹 二首

元倪瓚

珍重黃華父子遺風得似洋州松雪於今冥冥房山去後休休
我愛焦君味道筆端點綴清新規模虎兒早歲未窺北
苑入神

題畫竹 十一首

元倪瓚

琅玕節下起秋風寒葉蕭蕭煙雨中贈子仙壇翠鸞帚

杏林春掃落花紅

逸筆縱橫意到成
燒香弄翰了餘生
牕前竹樹依苔石
寒雨蕭條待晚晴

野店枯槎何處園
千花羞澁不成妍
竹枝嫋嫋春風惡
卧看歸鴻水拍天

落落長松生夏寒
莓苔擗散共盤桓
王謝家庭多玉樹
依然猶是晉衣冠

雨後池塘竹色新
鈎簾翠霧濕衣巾
為君寫出團圞影

喜比他鄉見似人

斑斑石上蘚紋新
陰落先生烏角巾
貌得兩枝初雨後
可憐清興屬幽人

為寫新梢十丈長
空庭落月影蒼蒼
王君胸次冰霜潔
剪燭談詩夜未央

舟過松陵甫里邊
幽篁古木尚蒼然
何人得似王徵士
靜看輕鷗渚際眠

逢著鄉人朱伯亮
朱絃披拂共南薰
硯池雨過添新漲

特為濡毫寫墨君

右臨青嶂左澄江未覺羲皇遠北牕
安得茅君酒斟酌
幽人許致玉瓶雙

喬木叢篁倚石苔故家遺業總成灰
二喬憶嫁周公瑾
尚有枝孫氣不衰

題畫竹

元倪瓚

本朝畫竹高趙李慙愧後來無寸長
下筆能形蕭散趣
要須習次有篋當

畫竹寄友人

元倪瓚

先春競桃李凌陽歎蒲柳謝君靜者徒種竹安所守亭
亭清淨心鬱鬱霜雪後賦詩寄遠懷此君真可久

畫竹

贈徐季明

元倪瓚

梓樹陰當戶時聞好鳥鳴獨攜一壺酒展席坐前楹招
邀白鶴侶吹弄紫鸞笙杳杳日景晚紛紛飛絮輕風翻
竹影亂明月已東生

畫竹

贈志學

元倪瓚

綠竹飽霜雪歲寒無荏容風至天然笑復愛夏陰濃寒暑不能移德比柏與松豈若桃李榮春花但丰茸

畫竹

二首贈
申彥學

元倪瓚

吳松江水似清湘煙雨孤篷道路長寫出無聲斷腸句
鷓鴣啼處竹蒼蒼

阿儂渡江畏風波聽渠聲唱竹枝歌淇園青青淇水綠
不似瀟湘煙雨多

畫竹

寄王
彝齋

元倪瓚

荆南山色裏翠竹密緣溪冉冉春煙薄冥冥暮雨迷夢
長蝴蝶化行遠鷓鴣啼舊日栽桃李清陰自滿蹊

畫竹

贈王
光大

元
倪瓚

荆溪王隱士相見每從容借地仍栽竹巢雲獨傍松青
苔盤石淨嘉樹綠陰重約我同棲遁嵩高第幾峰

畫竹

寄張
天民

元
倪瓚

良常南洞口聞有埽塵齋竹影春當戶泉聲夜遠階自
矜霜兔健安有魯魚乖截得青鸞尾因風寄好懷

畫竹

贈王允剛

元倪瓚

子猷借地種修筠何可一日無此君
葉籠書席搖翠雨陰結香爐屯綠雲
文孫住近吳江渚二仲遨遊如蔣詡
置酒邀余寫竹枝隔竹庖人夜深語

題竹

三首

元劉永之

高牕新霽綠陰稠隨意揮毫做薊丘
老鶴矜翎回舞翅洞簫吹徧石林秋

洞裏仙人白兔公手持玉笛向秋風
彩雲低度天如水

吹作龍吟山月中

讀易茅齋夏日長
琅玕繞屋擬瀟湘
山風一夜吹疎雨
共愛西牕五月涼

題竹

元
貢性之

翩翩公鳳下晴空
半入江雲半落風
憶昔瀟湘泊船處
玉簫聲斷月明中

題畫竹

元
貢性之

鷗鵠啼望水龍吟
舟過湘江夜雨深
清思滿懷無著處

却將墨沼寫秋陰

題竹

元
貢性之

美人環珮玉玲瓏
騎得青鸞下碧空
寂寞湘魂招不返
鳳簫聲斷月明中

畫竹

元
華幼武

挺挺琅玕玉澗邊
半含春雨半含煙
怪來筆底清如許
老子胸中有渭川

畫竹

元
丁鶴年

拂素寫晴牕亭亭玉一隻蒼龍雷喚醒風雨遍湘江

題畫竹

為董文中賦

元丁鶴年

雨過蛟龍起風生翡翠寒但存清白在日日自平安

題竹

元張舜咨

萬里高風不自由琅玕掀舞一天秋何人笙鶴歸來晚
縹緲仙城十二樓

畫竹歌

為道士詹明德賦

明劉基

我所思兮在瀟湘蒼梧九疑渺無際但見綠竹參天長

上有寒煙凝不飛下有流水聲琅琅中有萬古不盡離
別淚化作五色丹霞漿穿崖貫石出厚地風吹露滌宵
有光我欲因之邀鳳凰天路脩阻川無梁孰知畫史解
人意能以造化歸毫芒虛堂無人白日靜使我顧盼增
慨慷玄霜慘烈歲將晏鼯啼鼯叫天悲涼我所思兮杳
茫茫山中紫筍春可茹歸來無使遙相望

題畫竹

明
劉基

葉間重露猶滴林表煙寒未開想見沅湘江上月明環

佩歸來

題畫竹 并序

明 貝瓊

太史公紀渭川千畝竹此圖僅盈尺而遠意不翅千畝觀其毫枝髮葉歷歷可見於秋煙暮雨外筆法視古亦精已寓目久之遂起余兩山之興徑欲買舟歸卧其所云

市朝非素心林壑契玄賞讀書甘寂寞密竹更蕭爽
人虎豹關閉戶蠨蛸網寒梢朽不蠹野筍苞初長風生

回鶴夢月出聞猿響如何猶戀祿廐馬存病顙相期結
二仲茲焉共來往

畫竹

明王佐

瀟湘綠玉崑崙石移向高臺之素壁四座涼風帶雪吹
半牕疎雨和煙滴九疑夢斷瑤瑟寒貼雲影落雙飛鸞
霓旌掩冉欲歸去美人持贈青琅玕也曾拂拭蒼苔色
坐弄參差楚天碧曲終日暮山鬼啼自寫幽情寄相憶

題竹

明林鴻

醉墨淋漓濕未乾
拂雲雙玉倚秋看
別來嶰谷空林月
幾度淒涼笛裏寒

題畫竹

明陳亮

王維遠矣蕭郎死
墨竹古來俱可數
自從老可出湖州
世人始信前無古
此圖高古不知名
欲與湖州相抗衡
森森矛戟自相向
浙浙枝條如有聲
高堂素壁時張挂
瀟灑渾疑却炎夏
莫言無地種琅玕
自有清風滿圖畫

題畫竹

明袁華

風生太液水微波霜影侵階月色多
截得昭華蒼玉管多情蕭史奈愁何

題竹

明
金幼孜

翠拂琅玕落粉香無端春色滿瀟湘
美人學得青鸞曲何處吹簫聽鳳凰

為楊庶子題紙屏畫竹

明
金幼孜

我昔隱居在山谷繞舍只令種脩竹
清風白晝灑蒼雪終日吟哦看不足
一從攜書來北闕遂與此君成久別

平安十載知何似，往往思之心欲折。楊君亦是愛竹者，
官舍新成最幽雅。紙屏拂拭無點塵，滿寫琅玕更瀟灑。
昨來置酒邀客子，燈前見之驚且喜。停盃借問作者誰，
似與老可同高致。墨花淋漓真可愛，黯淡猶疑鬼神會。
初看積翠落簷端，便覺湍聲起牕外。數竿隔水各千尺，
微露青林帶秋色。暮雨寒霏紫鳳翎，驚濤暝卷蒼龍翼。
知君好竹幽思殊，朝回看畫仍讀書。臨風或吹蒼玉管，
對月時弄青珊瑚。嗟哉此君貞且良，丰姿凜凜非尋常。

世情高下逐冷暖此君志節無炎涼冰霜歲晏慎自保
相期白首毋相忘

題竹

明
王紱

宮樹棲鴉拜夕郎洞門煙靄竹蒼蒼珮聲搖曳歸來晚
香篆初消月到牀

畫竹自題

明
虞謙

我昔汎東溟拾得蒼龍尾置之懷袖中夜夜涼風起化
為金錯刀欲剪瀟湘水只恐春雷鳴飛上青雲裏

題畫竹

明林環

嶰谷春已深
煙雨何冥冥
蕭然青琅玕
上有孤鳳鳴
清風不時來
忽聞環珮聲
緬懷伶倫子
千載已遐征
誰能截鳴律
吹向軒轅庭

畫竹

明郭厓

聲臨渭水清
影拂湘潭碧
瑤瑟曲未終
商飈坐來夕

題畫竹

明高壁

極目蒼梧遠
傷心泣二娥
試看枝上露
不及淚痕多

畫竹

明
伍方

花點湘雲墮碧川
翠梢零落帶秋煙
歸篷記得曾看處
殘月黃陵古廟前

題竹

明
徐貫

書牕謾對翠琅玕
偏喜真心耐歲寒
怪底此君解醫俗
清標瀟灑拂雲端

題畫竹

明
張泰

九疑山碧楚天空
江上佳人思不窮
日暮南陵脩竹冷

鷓鴣聲裏起秋風

畫竹

明
劉師邵

誰弄參差管聲悲引恨長夜深龍起聽明月滿滿湘

題畫竹

與蕭
球

明
羅倫

玉英臺下路半夜舞青鸞龍孫眠不得疎影上欄杆

題竹

明
莊昶

獨行湘江潯見此叢篁幽風雨日冥悔萬雀聲啁啾垂
垂正結實恐為鷓鴣謀豈無九苞羽飛下十二樓延佇

久不見此意良悠悠我因王者瑞極意垂鴻猷採之欲
往食道路阻以脩問之在何所乃古西康州西康有西
伯已矣三千秋至尊應昌運致此能無由清時一再覩
咄哉何所求

題壁間竹

明
魯鐸

繫誰融心神寫此萬竿竹我逐南薰來炎歆正三伏開
軒一披襟灑然在淇澳中宵起攬衣乘月看未足高歌
武公詩清風動林麓

畫竹

明
田 登

何人移化工亭亭寫修竹
高岸展阨塞洧流帶滌湫
節撼首陽山風吟淇水隩
冰霜歲寒深雨露湘江逐
朝陽儀鳳毛笙鏞滿山谷

畫竹

明
何景明

誰開素練寫煙梢欲采琅玕奏玉簫
猶憶鳳凰池閣上坐聽風雨下層霄

題畫竹

明
楊 慎

江南誰解寫琅玕後有仲昭前孟端自從文藻流傳久
轉覺丹青賞鑒難生絹一幅瀟湘出高堂六月冰霜寒
玉林深處人如玉欲往從之無羽翰

畫竹

明
舒芬

煙梢雨葉誰形容畫堂六月生秋風神隨墨散玉瑣碎
光若影動金玲瓏淇園百竿出肘後渭川千畝生胸中
良工心苦刻成鵠主人珍重看如龍我來不疑畫裏見
眼青只作林下逢撫摩琅玕思颯颯彷彿鳳鳥來雖雖

鳴世還能嶰谷種知音誰是柯亭翁雲霄昨夜迷太空
蘆枝弦化招相從却恐君子棄我如遺踪

畫竹

為湯宗器題

明
謝承舉

曾記瀟湘繫短篷隔江煙雨翠重重驚雷忽報春消息
一夜靈根長籜龍

題畫竹

明
王潤

曾見東籬立曉霜一枝巖傍拂溪光等閒得製伶倫管
吹落梅花幾夕陽

題畫竹

明
吳宣

悔教風節動煙霄總得虛聲太寂寥
長樂五更聞暖吹錢塘八月聽寒潮
調高巢許終何物怨入夷齊死不消
更欲少論惆悵事昊天無語鳳飛遙

題竹

明
沈周

冰霜俱不知風雨亦無恙
嫋嫋出縣高未可限墨丈

題畫竹

明
李叔玉

君家碧疏見清影別是一段淇園秋
何人筆底得天趣

云是東吳夏瑞州瑞州冒中竹如簣一枝一葉良可惜
却笑蕭郎技癢時手戰眼昏頭雪白興來雷從地中出
萬籟湏臾起蒼壁翩翩彩鳳羽欲墮偃蹇青虯勢安敵
仙郎何以得此幅邀我題詩記真跡醉後操觚一揮灑
不讓王維有聲畫公餘坐對夜深時明月清風不論價

畫竹

明
李廷儀

瓊花凍勒蒼龍骨法水低淋彩鳳翎愁絕英皇渾不語
九疑相對數峰青

畫竹

明
張倬

黃陵祠下月明多不見湘靈翠輦過
留得蕭蕭數竿竹至今腸斷楚人歌

畫竹

明
徐渭

萬物貴取影寫竹更宜然穠陰不通鳥
碧浪自翻天夏夏俱鳴石迷迷別有煙
直須文與可把筆取神傳

畫竹
十首

明
徐渭

昨夜牕前風雨時數竿疎影響書幃
今朝搨向溪藤上

猶覺秋聲筆底飛

葉葉枝枝逐景生
高高下下自人情
兩梢直拔青天上
留取根叢作雨聲

郡城去海不為遙
墨籜淋漓似鬱蛟
莫遣風來吹一葉
恐於箋上作波濤

片石蒼蒼映莽林
南宮如見拜難禁
牛車若使能移去
賣與侯家五百金

昨宵風雨折東園
那許從天乞一竿
數葉傳神為不朽

儒寒道瘦任人看

林梢片石墨初籠
凍筆勾寒入指中
急遣蒼頭沾一榼
破簾穿日盪杯紅

筆底霜叢三四竿
園中解籜兩三年
脩蛇拔尾當黃土
小鳳梳翎在碧天

脩蛇有尾頻年墜
小鳳為翎幾日成
輸與寒梢三十尺
春來祇用一雷驚

人家宿紙幾時收
紫兔尖尖走潑油
竹影滿牕涼似水

斷崖疎雨數竿秋

怪石初烘潑墨勻
吳箋短短縮霜筠
長空五尺青鸞尾
一半斜封在白雲

題竹行

明僧宗泐

平生不識雲心子
墨妙通神有如此
眼中何處修竹林
湘水邊頭煙雨裏
長林蔽虧天為陰
鷓鴣啼斷江沈沈
六月南風晝不熱
人家住在叢篁深
九疑山帶蒼梧野
翩翩帝子雲中下
鳳鸞飛舞蛟龍驤
羽葆氍毹翠堪把

我昔曾行賞溪曲兩岸波光浸寒綠萬玉森森一逕遙
溪口青陰到山麓今朝看圖政自憐畫圖身世俱茫然
雲心骨化丹陽土吁嗟墨妙何人傳

題竹

明

僧古春

一夜竹牕雨秋聲入夢聞都將枝上淚灑徧九疑雲

畫竹扇

宋

梅堯臣

石上老瘦竹忽在紈扇中執之意已涼不待搖清風小
節未見粉淚痕應合紅日將炎暑退畏蠹生秋蟲

題扇頭竹

金

王利賓

輕紗畫竹雀柄短不盈握暑氣正憑陵清風一何邈

扇上竹

元

楊載

種竹何須種萬竿一枝分影亦檀欒秋宵更受風披拂
聽取清聲入夢寒

題畫竹扇子

元

陳旅

江上竹枝歌為君顰兩蛾秋風團扇底零落黛痕多

為戴容安題扇竹

明

金幼孜

三徑清陰生晝寒滿林新長碧琅玕何時截作參差玉
吹向瑤臺聽紫鸞

題紈扇折竹枝

元

陶宗儀

剪來青鸞尾挂向珊瑚鉤明月照清影一握湘江秋

題扇上竹枝

明

高啓

寒梢雖數葉高節傲霜風寧肯隨團扇秋來怨篋中

題畫竹枝

明

李日華

淡淡疎篁影離離古蘚文昨夜溜春雨今朝墮曉雲破

牕搖瑣碎虛榻冒氤氲墨沼澄凝處相逢只此君

竹枝

明

李日華

粉痕初洗舞青腰琴筑無聲畫寂寥為有寒香入肌骨
不須風雨也蕭蕭

御定歷代題畫詩類卷七十六